

OSTAIZKA AIZPURUA ARRIETA

Zoologoa

“Horrelako erakunde batek gai izan beharko luke irtenbide egokia eskaintzeko”

ANA GALARRAGA AIESTARAN
Elhuyar Zientzia

Emakumezko ikertzaileek beren ibilbide profesionala garatzeko topatzen dituzten zailtasun eta oztopoen adibidetzat jo daitezke Ostaizka Aizpurua Arrietari gertatutakoa. Hala ere, lasai kontatzen du, uste osoa baitu egin duen eskaera guztiz zentzuzkoa dela eta erantzuna jasotzeko eskubidea duela.

Orain dela gutxi arte, dena “normal” joan da. EHUUn tesia egin ondoren, doktoratu ondoko ikertzaile gisa geratzeko aukera izan zuen, “tesian zehar erantzun gabe gelditu ziren galderei erantzuna bilatzeko asmoarekin”. Eta oraindik ere horretan dabil.

Kontratua urtebetekoa denez, zer egin zezakeen begiratzen hasi zen. Argi zuen iker-tzen jarraitu nahi zuela. “Europako doktoratu ondoko ikertzaile izateko Europar ematen diren beka bi urterako dira, eta atzerrian izan behar dute. Eusko Jaurlaritzak, baina, baditu beste batzuk, eta horiekin bi urte ematen dituzu kanpoan, eta hirugarrena egiteko itzuli egiten zara. Hala, hori aukeratu nuen. Hain justu, Kopenhageko Historia Naturaleko Museora joatea erabaki nuen, hango ikerketa-zentroa aurreratuenetakoa baita Europa osoan. Gainera, orain arte ibili naizen esparrua pixka bat zabaltzeko aukera emango lidake”.

Zehaztu duenez, saguzar hatz-luzearekin jarraituko luke, baina orain arte alderdi ekologikoak eta sentsorialak ikertu ditu, eta han mikrobiomika eta elikatze-fisiologia aztertuko lituzke. Horretarako, zentroko zuzendariaren oniritzia ere jaso du. Beraz, alde horretatik ez zegoen inolako arazorik.


Europako beka bat eskatzeaz gain, Eusko Jaurlaritzarena ere eskatu zuen. Horretarako aurkeztu behar diren dokumentuak entregatu zituen, tartean, Kopenhageko zuzendariaren datuak, ikerketa-proiektua eta curriculuma. “Hori ebaluatu ostean, adituek elkarriketa bat egiten dizute, proiektuaren inguruan dituzten zalantzak argitzeko. Eta Eusko Jaurlaritzak egun eta ordu bat jartzen dizkizu elkarriketarako”.

IRTENBIDERIK EZ

Elkarriketa hori garrantzitsua dela azaldu du Aizpurua; izan ere, emandako hitzordura ez agertzeak beka galtzea ekarriko luke. Horren jakitun, eta haurdun dagoenez eta erditzea elkarriketa jarri behar zioten garai bertsuan izango zela iragarri

Ostaizka Aizpurua Arrieta (Zarautz, 1986). EHUUn Biologian lizentziatu ondoren, saguzar hatz-luzearen arrantza-portaeraren inguruan sakontzen hasi zen. Bristoleko eta Kopenhageko unibertsitateetan egonaldia eginda, iaz defendatu zuen saguzar horri buruzko doktore-tesia EHUUn, Inazio Garinen eta Joxerra Aihartzaren gidaritzapean. Aurtun, [“Arrantzale bihurtu zen ehiztari hegalariaen istorioa”](#) lanarekin, CAF-Elhuyar saria irabazi du, egilearen doktore-tesian oinarritutako dibulgazio-artikuluaren kategorian. Tesia bukatu zuenetik, ikertzaile-lanetan dabil, EHUUn.

UPV/EHU Kultura Zientifikoko Katedraren lan-kidetzan egindako atala.



ARG.: IÑIGO IBAÑEZ

ziotenez, Eusko Jaurlaritzara idatzi zuen, jakiteko zer egin zezakeen biak egun berean egokituz gero. “Sentitzen zutela, baina ezin zutela ezer egin esan zidaten. Alegia, ez banintzen elkarriketara agindutako egunean eta orduan agertzen, beka-deialditik kanpo geratuko nintzela”. Hori izan zen Aizpurua jasotako erantzuna. “Baliteke elkarriketa-eguna eman eta astebetera jaiotzea haurra, baina momentu horretan konturatu nintzen hor zerbait zegoela, eta zerbait larria”.

Aizpurua ustez, Eusko Jaurlaritza ez da gai izan salbuespen-egoera batean zuzen erantzuteko. “Horrelako erakunde batek gai izan beharko luke, ez bakarrik ondo erantzuteko, baizik eta irtenbide egokia eskaintzeko. Eta ez da ez baterako ez besterako gauza izan”.

Horren aurrean, prentsara gutun bat bidali zuen, bere egoeraren berri ematen. Han azaldu zuen administrazioak zientzian emakumeek duten egoera hobetu behar dela predikatzen duela, baina egunerokoa horrelako oztopoak izaten dituztela. Eta kexu da horregatik: “Anuk txikia egun gutxi barru jaioko da, eta, tristea bada ere, bere amaren hiru urteko lanpostua, eta, agian, baita karrera zientifikoa ere, hura amaren tripatik noiz irtengoden menpe dago”.